

新修寧遠縣志序

吾師慈谿馮先生蒞寧遠數載既治而暇客歲冬
乃有事縣志之作而樟適至署先生倒屣相延
讌竟日既而曰子來當有以助我布帛函丈明燈
促膝商榷義例揚扈風烈凡有所獻未有不首肯
者且曰子無以一日之長爲也吾唯子是正歲適
矣其將歸終事檢詳竝當有以序之樟粲然避席
不敢當者移時而誼不能竟辭也今年春始克卒
業於山邨而妄爲之序曰今天下上自宰輔下至
諸雜冗秩其被 朝命臨官者無慮萬計而事繁

寧遠縣志

序

責劇莫甚於州縣就州縣論之自吳越大邑外
次及吾陝而關隴以西又爲吾陝之最耳目所
其潦倒倥傯而不克自振者豈少也哉而先生獨
出其餘力以奮筆志乘撰著之間是薄何術而能
然與竊嘗以爲人之才力固自不齊而最懼有所
分用乃一經入官求田問舍囊橐有無之計每紛
然雜出於簿書期會閒而事多不治積之愈久不
治者必愈甚迨覺悟思返則或已至於無可復
蓋求爲兩得者嘗苦於兩失此其所以少成而
多敗也先生以一塵不染之操運四面應鋒之才



樟曾兩居衙齋內外終日肅然常如無一事者升
座排衙吏胥皆植立庭中殆似偶人此固以有大
過人者矣蓋惟其操廉故其心閒其心閒故其力
專其力專故其治疏通敏決整齊畫一而無壅滯
紛挐之患夫是以化洽於民信孚於上變畏途為
雅俗而無難理也昔傅氏瑛劇作縣竝有能名時
人傳其有理縣講而劉位明乃謂之曰吾有奇術
為卿家譜所不載但日食一升飯而莫飲酒此第
一要義也以先生之治寧觀之信而有徵矣然且
虛懷樂善好問不矜以樟之謏劣無能為役者猶

寧遠縣志

李宰

且進而教之俾得効微長於編摩風議而不之棄
陳壽稱諸葛孔明為治世良臣管蕭亞匹今攷其
所自言但曰集衆思廣衆益勤攻己之缺失而已
持斯一術以往宰一邑則為賢令長宰一郡則為
賢太守宰一道則為賢監司推而至於宰天下則
可以政平訟理吏治民安而為賢宰相矣志乘數
卷區區文藝之末曾何足為難易固宜其以遊公
之暇沛然出之而有餘也夫

嘗

康熙庚寅春二月受業門人富平李樟

首拜書



寧遠縣志

李序

三

序一

寧邑久無志非無志也經兵燹而志失矣志既失矣何以修之無其人也曰志猶史也非有才自學有識者不可以作史則非有才自學而有識者不可以修志矣故修之必待其人也尹仲先生以慈谿名宿出宰茲土凡所以興利除害者靡不舉矣乃念寧邑久無志志之不可以不修也適富平進士李君來寧邑李蓋先生所得士也學問淹博才識過人先生因搜舊志之遺者與之細加竄正而重編焉凡三易稿而志告成故於建置則因革

寧遠縣志

許序

之必覈也於山川則形勝之必詳也於職官則循良之必著也於人物則節行之必崇也於學校則風化之攸貞也於禮制則儀度之足式也於田賦則食貨之可攷也於藝文則文獻之足徵也既其而核亦約而該其正得古史之體與噫寧邑久無志今有志矣必如是志也始可以言志矣然而予滋愧矣

嘗

康熙庚寅季春既望南海許建勳拜撰

序

皇帝繼天御宇久道化成薄海內外罔不臣妾於是
制詔文學侍從之臣開館受筆札纂修大清一統志
以垂萬年不刊之典天下伯牧令長獻所部郡國
邑志供撰輯者不可勝計而寧遠舊志已逸僅附
輦志以自述茲邑之困敝久矣自鼎革以來兵火
屢及至於戶口虛耗圖籍散亡其固然無足爲怪
而當四應之衝物力數詘官斯土者簿書期會救
過不給更數十年無暇搜羅放失編摩成集以存
一邑文獻之舊頭白可期汗青無日則重可惜也
寧遠縣志 卷一

癸未之夏余受

命視篆數與前令梅庵許君及邑文學孔包諸子語及
斯事而歎發意購求好事收藏之家得舊志一帙
首尾殘缺僅十之二三而邑紳李君上士藁本蒼
叢近事稍稱詳備嘗欲排纂考訂付諸剞劂而力
有未遑殆不異於前所云也今年秋冬間與吏民
休息頗無外事而重以諸文學鄭重誣謗遂得志
筆從事發凡起例浹月有成州次部居罄然就緒
矣嘗聞諸通人之論曰作志之病有三叢爾一隅
漫然操觚源流輒躋之官禮紀載則軼於班馬

後復節固識海若爲妄而已擬拾譚言影掠鄙事
譚勳爵於目前失風烈於身後眼辨方隅網漏吞
舟爲陋而已牽引多雜附會亦僞忘舟壑之既移
乾鴻溝爲舊界秦蒲成脯齊瑟混竿爲亂而已能
於三者淘汰其癥結而兢兢乎恪守先民之矩矱
簡而不漏詳而不蕪斯道庶乎其有乎矣今寧崎
嶇西鄙山谷之間上下千載可以光昭簡冊者既
已無幾而余一從吏役學殖荒落如欲使茲編與
通都大邑名賢之著述齊驅而爭勝此猶操豚蹄
而祝篝車之獲有不笑其爲謀之傾者幾希顧惟

寧遠縣志

海宇昇平文教覃敷郡邑志乘增新勦始所在多
有雖以寧一邑錯諸其間不啻彈丸黑子之微而
社稷人民儼然百里之命所寄獨使其掌故缺而
不補又而無述未得謂非官斯土斯之與有責也
是以不揣謏陋而爲之論次如此倘後之博雅者
子有能踵事增華張茲邑之志以與通都大邑名
賢著述相爲後先者則椎輪之始余或與有庸焉
若曰覲然自命志乘用以裨

國家同文之盛治誠非區區之愚所敢任也是爲序

康熙四十八年歲次己丑冬十一月文林郎知寧
遠縣事沈澐給馮同憲書於徯齋西序



寧遠縣志

序三

例言

一舊志初始於邑紳王公璠其義例已無可見今所有殘本乃明萬厯間邑令鄒公浩所刻頗爲簡嚴惜無全衷而李君上士藁本采摭亦詳茲更參以府志博訪邑人士之好事多識者用爲損益義取慎重敢云宏備

一舊志原分五卷第一圖象次輿地次人物次政事次藝文爲目二十有二李本分八大綱細目四十餘條而圖象不在此內今參之二本微有移易事取據可不嫌更張

寧遠縣志

例言

一舊志以建置併入輿地竊輿地因其自然建置本諸人事雖建置不在輿地之外而義例祇有不同合之固無兩傷離之實爲雙美

一舊以官師選舉節婦隱逸仙釋二類總類以人物其官蹟知賢即附官師選舉其最不合者官師選舉取備名數非可盡目以人物而人物分爲三項其官蹟猶未可泯被也今官師選舉人物分爲三項其官蹟無多未可特標篇目仍附官師以類然實爲允協

一舊標藝文其目有碑記賦詩之類計當時必有其類

今藝文卷衰既亡多方購求隻寧無獲率本所載藝文甚少不足獨爲一綱意其亦不及見舊志藝文故於政事卷內抽出災異一條與藝文合併而標以外紀與志例雖似未合變文見意原出不得已之苦衷但藝文盛於華國災祥本之感召關之以外似爲未允今仍以災祥入政事條內而藝文附之人物倘異時文章積而日多或復有事纂修改標藝文爲綱不妨名以義起矣

一舊以政事題卷極爲渾括而李本分食貨典禮

寧遠縣志

例言

二

其食貨一條篇衰甚寡與各條未爲適均今仍合而一焉亦義無矛盾

一志體與史有全異前人言之已詳無容復贅而邑之與郡此邑之與彼邑其詳畧分合亦有必不可同者大約地有大小事有繁簡時有盛衰或力爲簡覈而已失其繁穢或意主詳贍而尚病其寥寂寧邑地瘠俗儉文獻無徵加意排綴恨多未備然苟牽引附會以爲觀美則近於張冠李戴矣故寧從闕畧以徵實錄

一集鎮且多名存實亡從舊詳錄與復有待

一賦役原額頗多自
國恩蠲除實徵止二千八百亦復未能立辦官民嘗至
交困今止載見在今昔盛衰之數仁人君子開卷一
覽可為惻然

一名宦鄉賢所以章往勸來原有者仍之後起者續之
有善必錄用宏表揚至隱逸流寓風流左為宏長舊
志有隱逸無流寓然比閭族黨操行又有出於二項
之外而未可泯沒者今總目以耆舊而婦德女止最
為風化之大雖窮簷下戶未經上聞採訪既實無
不闡帷未及益棺則留以有待至選舉恭以貶贈節

寧遠縣志

八例言

三

烈畫為殊途皆義理相應非有適莫

一水利政事之大李本不載而舊志楮墨缺佚此項
二而獲全今更據見在恭互考訂從詳備錄水泉雖
三於天地而疏濬則視乎人力入之建置以祈永久

寧遠縣志目錄

卷之一

輿地

星野 沿革 疆域 山川形勝 風俗 物產

古蹟附詩觀

卷之二

建置

城郭附街坊 公署 學校 官秩 壇壝 廟祠

里鎮 橋梁 河渠 惠卹 郵遞 守備

卷之三

寧遠縣志

目一

政事

戶口 賦役 稅課 公式 祀典 鄉儀

災祥

卷之四

官師

知縣 縣丞 典史 教諭 訓導 官蹟

卷之五

選舉

薦辟 進士 舉人附武舉 貢士 例監附吏員 賜贈

武階

卷之六

人物

鄉賢

附陵墓

耆舊

孝義

節烈

仙釋

藝文

寧遠縣志

目二

西至摩訶庵之圖

天德鎮

新店子

昭濟平通河界

州界

務家峽

應兒頭

大六荷

應峰川

麻石峪

王底山

獨木川

焦家峽

馬力坡

合河口

安家營

廣吳坡

新市鎮

灘河川

關帝廟

西山鎮山

永安鎮

紫柏閣

何家溝

平遠縣志

圖

馬家鎮

老君山

金家川

四門寨

東嶽廟

野南舖

礮石川

分水嶺

楊柳河

鳳凰閣

高松舖

魯班山

溫泉

新市鎮

榆盤鎮

向至禮縣界

小沙灣

龍泉

寧遠縣城之圖

寧遠縣志

圖

教場



社稷壇



東嶽廟



城門

三清觀



南門

常平倉

縣署



州師殿



觀音閣



文廟

儒學


城隍廟



黑龍廟



厲壇



寧遠縣志卷之一

文林卽知縣事慈谿馮同憲輯

輿地

先王建邦設都犬牙交錯大小相維以成指臂之勢莫不相其山川險易道里遠近而分茅蒞焉秦廢封建爲郡縣二千餘載滄桑屢更離合遷徙不常厥所而無分民有分土蓋亦各因其一時之勢而然也寧遠遠介隴隴之外山谷重複然周末之世秦逐諸戎貆道之名見於史冊自時厥後經歷累朝宰割紛如而爲邑卒不能廢以至於今雖兵興以來邑里蕭條

寧遠縣志卷一

休養生息未復其始而仰觀俯察鑑古證今以爲順時宜民之準者卽視諸宛洛名都貝魏劇縣固無以異也作輿志

星野

天水入營室八度隴西入營室四度安定入營室一度寧遠在安定之南天水之西古爲貆道分隴西郡隴西縣之東半當入營室四度矣

沿革

皇古上自烏鼠渭水界下止汧隴皆成紀地禹貢雍州西徼殷小乙世爲戎所侵徐廣曰戎番分散屠成紀

谷間是矣秦孝公西斬戎之獮王疆道所由得名秦漢皆隸隴西郡後改隴西縣為襄武既又改疆道皆併令隴西寧遠地既又分其西改為成紀縣而其東獨為疆道即今寧遠地也三國魏改武城晉改新興唐寶應初陷於吐蕃咸通中收復宋初置寧遠寨崇寧中復為疆道縣金仍廢為寨元以來遠鎮省入至元中陞寨為寧遠縣明仍舊為縣屬華昌府編戶十七里後併十四里國朝因之

疆域

縣治在郡東九十里東至伏羲縣界小樂門五十里東寧遠縣志云水至南至禮縣界六十里南至禮縣界分水嶺九十里西至漳縣界三十里西至天衢鎮隴西縣界四十五里西至通渭縣界六十里北至榆盤鎮至通渭縣界六十里東北至通渭縣界八十里延袤約四百里至省有一千一百里至京師三千七百里

山川

老君山 在縣南巉岩聳翠雲冠峯頂天必大雨中有池又有棋盤山仙人洞之屬

鶴鶴山 近西郭壁立如屏

廣吳山 縣西二十五里

紫燕山 縣西三十里上有大河時開異花見廣輿記

圍山 縣西八十里上有古寺泉水甚清

斗底山 縣西南十里其狀如斗前代倚山立寨以

溫泉山 縣東南六十里有溫泉療疾往往有驗

雲霧山 縣南六十里

龍山 縣北二十五里

龍杆山 縣西南四十里有石澗深阻人不取入下有

大荒山 縣南五十里極高聳

看花樓山 縣北十五里

中峯山 縣北四十里有古寺及清泉

龍崇山 縣北四十里極險峻

寧遠縣志 卷一

分水嶺 縣東南九十里

鳴鼓山 縣東北五十里

高石山 縣東北三十里

鳳頭山 縣東北四十里

新天山 縣東北七十里

魯班山 縣北四十里

花崖山 縣南九十里

石門山 縣東北五十里

太陽山 縣南百餘里

桃花山 縣北二十五里